

Uunga siunnersuut: Sullivinni avatangiisit pillugit Inatsisartut inatsisissaattut siunnersuut nr. xx, xx. Xxx 2017-meersoq

(Inuussutissarsiornermut, Suliffeqarnermut, Niuernermut, Nukissiuuteqarnermut, Nunanullu allanut Naalakkersuisoq)

Saqqummiussissut

(Inuussutissarsiornermut, Suliffeqarnermut, Niuernermut Nukissiuuteqarnermut Nunanullu allanut Naalakkersuisoq)

Siullermeerneqarnera

Sullivinni avatangiisinut oqartussaaffik akisussaaffigilerlugu Danmarkimit tiguneqarpat, pineqartup maleruagassaqaarnissaa siunnersuummi matumani siunertaavoq.

Sullivinni isumannaallisaaneq peqqissuserlu pillugit aalajangersakkanik nalinginnaasunik siunnersuut imaqarpoq, ilanngullugit suliffinni ataasiakkaani isumannaallisaanerup peqqissutsillu sulissutiginerisa aaqqissugaanissaat, kiisalu sulinerup imminut illersorneqarsinnaasumik ingerlannissaanut piumasaqaatit ilaalu ilanngullugit.

Isumannaallisaanermit suleqatigiiffiup piumasaqaataaneranut, sullivinni avatangiisit pillugit ilinniartitaanermit, sullivinnik naliliinermit, sulisitsisup pisussaaffiinit, inuusuttut sulinerannut, ullormut aamma sapaatip akunneranut qasuersaarfissanut minnerpaatut piumasaqaatit, kiisalu nakorsamit misissorneqarnernut sinaakkusiussatut aalajangersakkanik siunnersuut ilaatigut imaqarpoq.

Sullivinni avatangiisinik suliassa qarfimmi maannamut maleruagassaasut annertuutigit siunnersuummi ingerlateqqinneqarput. Suliassa qarfimmi maannamut inatsisitigit inissisimaneq siunnersuummi ingerlateqqinneqarpoq, taamatullu iliornikkut suliassa qarfiup tigareerneratigit sullivinni avatangiisit pillugit maleruagassat malinnissaat innuttaasunut inuussutissarsiortunullu ajornannginnerussaaq.

Suliassa qarfiup ingerlannerani misilittagaqaleriartorneq ilutigalugu, suliat qanitat nammineq suliarineqartarnerinik tunngaveqarneq naapertorlugu suliffeqarnermi susassaqaqatigiit qanimut oqaloqatigisarlugit suliassa qarfiup siumut isigisumik ineriartortinneqarsinnaanera naatsorsuutigineqartariaqarpoq.

Siunnersuutikkut Sullivinnik Nakkutilliisoqarfik pilersinneqassaaq, taassuma Inatsisartut inatsisaanni maleruagassat pillugit suliffeqarfiit innuttaasullu siunnersornissaat ilitsornissaallu suliassarissallugu. Sullivinnik Nakkutilliisoqarfiup inatsisartut inatsisaanni maleruagassat malinneqarnerat ilanngullugu nakkutigissavaa.

Suliassaqarfiup akisussaaffigilerlugu tiguneratigut najukkami tunngaveqarnerup ingerlatsinerullu inuiaqatigiinnut eqqaminiittunut qanimut attaveqarnerup Kalaallit Nunaanni sullivinni avatangiisinut tunngasut eqqumaffigineqarnerulernerannik kinguneqarsinnaanera iluanaarutit allat ilagivaat. Tamanna suliat qanitat nammineq suliarineqartarnerinik taaneqartarpoq. Taamaasilluni suliassaqarfiup nunatsinni ingerlanneqarnera tigusinikkut maluginiarneqarnerulersinnaavoq.

Suliassaqarfiit akisussaaffigilerlugit tiguneqaraangata, suliat qanitat nammineq suliarineqartarnerinik tunngaveqarnerup sunniuteqartarnera siusinnerusukkut takoreerparput, assersuutigalugu aatsitassanik ikummatissanillu suliassaqarfik tiguneqarmat. Taamaasilluni aatsitassanik ikummatissanillu suliassaqarfik tiguneqarmat, aatsitassanik ikummatissanillu ingerlatat tiguneqannginnerannut naleqqiullugu annertuserujussuarput, taamanikkut suliassaqarfik danskit oqartussaasuinit ingerlanneqarallarmat.

Assersuut alla tassaavoq nukissiuutinik suliassaqarfik, Nukissiorfiit nukissamik pilersuinerata ullumikkut 70 %-ii nukissamik ataavartumik tunngaveqarpoq.

Maluginiagaqarnerulernermut kiisalu suliassaqarfiup tiguneqarnerata kingorna ilisimasat iluatsittumik amerliartortinnerannut Kalaallit Nunaanni Aalisakkanik Misissuisoqarfiup akisussaaffigilerlugu tiguneqarnera assersuutissaavoq alla. Taamaasilluni Pinngortitaleriffik ilisimatusarfiuvoq ingerlalluartoq, nunat tamalaat akornanni pitsaassusiliinerit qaffasinnerpaat malillugit ingerlasoq, aamma Pinngortitaleriffik ilaatigut nunat tamalaat akornanni ilisimatusarnermik ingerlatanut iluatsitsilluarluni peqataasarpoq.

Naalagaaffimmi oqartussat suleqatigalugit piareersaataasumik sulineq tunngavigalugu siunnersuut suliarineqarpoq, soorlu tamanna Namminersorneq pillugu Inatsimmi piunasaqaataasoq.

Taamatut oqaaseqarlunga siunnersuut Inatsisartunut suliassanngortippara.